



Bosna i Hercegovina  
Federacija Bosne i Hercegovine  
**Kantonarno tužilaštvo**  
**Zeničko-dobojskog kantona**

Broj: 06-04-8-1-R11/24  
Zenica, 13.05.2024. godine

Na osnovu člana 70. stav 4. Zakona o javnim nabavkama („Službeni glasnik BiH“ broj 39/14 i 59/22) Glavni tužitelj Kantonalnog tužilaštva/tužiteljstva Zeničko-dobojskog kantona donosi

### **ODLUKU** **o poništenju postupka javne nabavke**

#### **Član 1.**

Poništava se postupak javne nabavke putničkog motornog vozila broj 06-04-8-1-R11/24.

#### **Član 2.**

Ova odluka stupa na snagu danom donošenja.

#### **Član 3.**

Ova odluka objavit će se na web-stranici [www.kt-zenica.pravosudje.ba](http://www.kt-zenica.pravosudje.ba) istovremeno sa upućivanjem ponuđačima koji su učestvovali u postupku javne nabavke u roku od 7 dana, shodno članu 70. stav 6. i članu 71. stav 2. Zakona o javnim nabavkama BiH.

### **O b r a z l o ž e n j e**

Na osnovu Odluke Glavnog tužitelja Kantonalnog tužilaštva Zeničko-dobojskog kantona broj 06-04-8-1-R11/24 od 20.03.2024. godine pokrenut je postupak javne nabavke robe – putničkog motornog vozila putem otvorenog postupka i portala javne nabavke.

Procijenjena vrijednost javne nabavke, bez PDV-a, iznosila je 65.000,00 KM, a postupak javne nabavke je proveden po kriteriju najniže cijene.

Ispravka obavještenja o tenderskoj dokumentaciji objavljena je na portalu javnih nabavki dana 25.03.2024. godine u 15:00<sup>h</sup> pod brojem 5486-1-1-4-8-5/24.

Komisija za provođenje postupka javne nabavke roba, usluga i radova imenovana Rješenjem broj 06/04-11-8-2/24 od 19.01.2024. godine, sačinila je Zapisnik o otvaranju ponuda, Zapisnik o pregledu i ocjeni ponuda kao i Izvještaj o radu Komisije.

U postupku javne nabavke utvrđeno je da je Komisija za provođenje postupka javne nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda 1 (jedna)
- da je blagovremeno zaprimljena 1 (jedna) ponuda

- da nije bilo neblagovremenih ponuda
- da ponuda ponuđača „UNO“ d.o.o. Tešanj, Novo selo broj 35 nije u skladu sa tenderskom dokumentacijom ugovornog organa
- da ugovorni organ, obzirom da nije bilo prihvatljivih ponuda, nije provodio e-aukciju i javnu nabavku je završio u skladu sa odredbom člana 69. stav 1. tačka b) Zakona o javnim nabavkama BiH.

U postupku javne nabavke robe – putničkog motornog vozila putem otvorenog postupka ugovorni organ je u tenderskoj dokumentaciji ( tačka 4.1 Priprema ponude), objavljenoj i na portalu javnih nabavki, definisao kriterije i uslove pripremanja ponuda kao i da će ponude koje nisu u skladu sa tenderskom dokumentacijom biti odbačene kao neprihvatljive.

Pregledom i ocjenom blagovremeno zaprimljenih ponuda Komisija za javne nabavke utvrdila je da ponuda ponuđača „UNO“ d.o.o. Tešanj, Novo selo broj 35, i to Prilog broj 9 sadržan u istoj, nije u skladu sa tehničkim specifikacijama putničkog motornog vozila traženim u Obrascu za cijenu ponude sa tehničkom specifikacijom (Aneks 2) tenderske dokumentacije ugovornog organa odnosno ponuda navedenog ponuđača ne sadrži sistem protiv blokiranja točkova pri kočenju – ABS ili ekvivalent, servo upravljač podesivo po dubini i visini, mogućnost poziva za pomoć bez mobitela, umjesto tvorničke garancije min 5 godina ponuđena je garancija od 5 godina ili 150.000 km, u pogledu tvorničkog uređaja sa ekranom osjetljivim na dodir u ponudi nije definisana tražena veličina ekrana 8", slijedom čega je ponuda ovog ponuđača ocijenjena neprihvatljivom.

Odredbom člana 69. stav 2. tačka d) Zakona o javnim nabavkama BiH propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

Kako ponuda ponuđača „UNO“ d.o.o. Tešanj kao jedina blagovremeno zaprimljena ponuda ugovornom organu nije prihvatljiva obzirom da nije u skladu sa tenderskom dokumentacijom, to je u skladu sa odredbom člana 69. stav 2. tačka d) Zakona o javnim nabavkama BiH odlučeno kao u dispozitivu.

**Pouka o pravnom lijeku:** Protiv ove odluke može se izjaviti žalba Kantonalnom tužilaštvu/tužiteljstvu Zeničko-dobojskog kantona, najkasnije u roku od 10 (deset) dana od dana prijema ove odluke.

Dostavljeno:  
1x ponuđač  
1x a/a



**GLAVNI TUŽITELJ**  
Vesna Kaknjo

*Vesna Kaknjo*